




Poex: 1246




2530


1869 11. 387











Frid. Zamell

EPIGRAMMATUM

Liber XI & XII.

ELBINGÆ

Typis BODENHAVSIANIS

Anno MDC. XLII.


Ad Lectorem.

Vivimus: at vacuas cœlo non reddimus auras.
Fœnerat has nobis Rex Genitorq; deûm.
Præses ab hoc Vatum descendit origine verâ.
Personat in mensâ proximus ille Iovi.
A nobis generis quid Iupiter exigit autor,
Quid mereant Vates à Iove, Lector habes.

THE BODLEIAN LIBRARY
OXFORD
ANNO MDCC. XLII

MAGNIFICO & NOBILISSIMO
DOMINO ISRAELI HOPPIO

ProCos. Elbing. sextumq; Burggra-
bio Regio.

 deo religione animum non imbui, Nobilissime Burggrabe, ut intra decadem generis sui manere velim, quoscumq; carminum meorum libellos edidi. Præstitueram quidem nuper, at sacramentum non præstiteram. Truculentus in foetum parens essem, si vitam his eriperem, qui non velut nothi sed tamquam postthumi eam acceperant. Ac si divinis libris attendimus, nec non profanis auspiciis movemur; non minor duodenario autoritas inest, sanctius etiam mysterium. Sed ut rectè se ista habent, ita non parùm offendor contumaci fremitu eorum; qui seu conscientia propriæ turpitudinis efferati, seu leviter involatâ de aliis suspitione incitati omnia sincerè dicta in contumeliam vertunt, meumq; otium quietum esse non sinunt. Quorum furfure segregato ex optimis farinæ illius quæro; si Poëtam ullum noverint ingenuum, qui in scenâ deridendum propinârit nondum sui facinoris apertum? Nam de aliis, qui vitio virtutem prætexunt, hæc ratio est. Noxam odimus, virtutem colimus, eam possidenti consulimus. Vitium enim aut Satyrâ nempe obnuptâ facie ridemus, aut Epigrammate sub ficto nomine apertiùs tangimus: ut acie in unumquemq; directâ soli erubescant obnoxii. Idem sibi propositum habent & Poëtæ, & qui de Moribus hætenus commentati sunt; hi ut doceant, simplici sermonis habitu contenti; illi, ut inter virtutum vitiorumq; exempla etiam delectent, numerum orationis amœnitatemq;


nitatemq; affectari. In crimen tela sunt, famæ parçitur;
nisi ejus, qui omni pudore profligato audire & esse laborat
deterrimus. Sed omissis inertibus animis, quibus in lubri-
co est, quicquid dixerint aut fecerint; illos viros unicè de-
veneror, quorum stimulis promotus arduum Heliconis cli-
vum jam superasse mihi videor: postquam variis vitæ meæ
ærumnis omniq; tædio devorato, & genio & existimationi
de me sicq; meritis ipsorum etiam ludibundus satisfacio, non
omnibus concessam facultatem nactus. Sed commodum,
Nobilissime Burggrabie, inter hortos Tuos, quorum delici-
as mecum communes esse ultro voluisti, mihi de Te cogi-
tanti occurris. Etenim Te ipsum hoc ingenii mei foetu,
præsertim quod magnam partem in illis coaluisset, propen-
sâ benivolentiâ invitatus mactare decreveram. Accipe
testem fidissimum mei in Te affectus, imò hunc animum:
qui post Deum immortalem carissimos sibi non alio genere
cultus, quàm hoc ipso prosecutus est utpote & sanctissi-
mos. Dabam in hortis Tuis VIII. Calend. Maji Anno sal.
n. MDC. XLII.

*Magnif. Tue
observantiss.*

Frid. Zamelius.

LIBER XI.

Ad Magnificum Nobilissimumq; Domi-
num Israëlem Hoppiū.

 Iqua meam redimit Musarum tania frontem,
Nec Patriæ Patrum non erat istud opis.
Namq; Tuus genitor, geniusq; huic proximus, Hoppi,
Ornârunt puncto cœpta novella suo.
Tu mihi quodcumq; es, patris illud ab indole præstas:
Tu, mea quo ducam carmina, Numen ades.

Ad nemorum deos.

DEponit jam silva comas, frondosaq; tempe
Et tristis Boreas & gravis urget hiems.
Vos rivî & fontes vos unda æterna siletis.
Atq; ubi nunc, dulces, vester amictus, agri?
Vos di qui saltus, qui culta habitatis & amnes,
Evocat ad nitidos ipse Poëta Lares.

Inauguratio Ædis in Pineto V. P. M.
ab Vrbe Elbingâ Africum versus distantis.

Per gelidos inter pineta virentia calles
Si juvat ad magni templa Tonantis iter,
Hic locus invitat: cujus de cespite nuper
Carpebat solitum buceraturba cibum.
Tityrus huc & pœta vagas Galatœa capellas
Egerat herboso stratus uterq; solo.
Atq; ubi dulce jubar Tartessus anhelâ videbat,
Barbigerum rediit sub sua septa pecus.
Omnis in armenti fructus male verterat usum.
Non erat hoc, sanctè quo frueretur homo.

Nunc animi pastum sub Numinis æde requirunt
 Natorum & matrum cum grege mille viri.
 Sexq; decemq; iterant post dios secula partus,
 Dena quater nec non altera messis erat:
 Quinta Calendarum ter cùm numerata Decembris
 Acta per auspiciū primitiasq; precum est.
 Tunc rerum Hoppiades Præses, tunc Præses agrorum
 Hornius autores hanc coluere domum.
 Nec Siferriades Collega comesq; Zamell,
 Nec Megerisiadum dæerat amica manus.
 Sed quis Te Helvingi Teg; Hesitranseat, aut vos
 Richterōs nostri Syndica corda fori?
 Ante aras Superū, Superis qui templa dicaret,
 Voidius sacrum voce præibat opus.
 Non ulli luxere foci, neq; thure litatum est.
 Sanctior è puro pectore manat odor.
 Relligio subiit: spiraculaq; ætheris hausit
 Acceptura suum fida cæterva Deum.
 Tum manifestus honor: psallentumq; æmula voci
 Organa iuverunt & tuba torta chorum.
 Surgite vos pini, nemorumq; extendite frondes,
 Grata viatori vestra sit umbra pio.
 Crescite vos cæli dignata limine silvæ.
 Vos inter Pietas pandit ad astra viam.
 Iamq; sonant responsa Dei, quæ Panes obibant,
 Quæ tumuli strigibus, lustra fuere lupis.
 Accipe, quisquis aras vicina novalia luco.
 Subscripsit votis Curia nostra Tuis.
 Inde decus silvis, & clara exordia rerum.
 Assere concessas, ô bone cultor, opes.
 Cedite dī, quos prisca sibi vesania fecit.
 Huic nemori regnat Rexq; Faberq; poli.

Illum

Illum orni ingentes, illum virgulta loquuntur.

Et quis eum taceat, cui modulantur aves?

Macte Patrum series: ex hoc deberis Olympo.

Exigit aeternas hæc Tibi caussa cedros.

Non æquè annuerunt ullis pia Numina cœptis:

Non æquè Stygiæ rector inarsit aquæ.

Ah ne dispositos cælo vis barbara turbet,

Verùm hinc ad Superos copia major eat!

Hoc penetrare suos optabat tramite versus,

Drusida qui patriam Thespiadasq; colit:

Cui liquidi fontes arborumq; susurri,

Et loca dant animos urbe remota novos.

Sapius ille Tuo, Bachmanne, docentis ab ore

Pendeat Phæbi sub propiore jugo.

Tu prope templa Dei lucos habitabis amicos:

Tu sacer heic Præco Mystag; primus eris.

Quàm placidi volucrum per nota virecta canores,

Plus ubi delectat vox pia, plusq; movet!

Ecceruunt auræ, motantq; cacumina pini,

Et Deus immenso Numine dexter adest.

Ad Magnificum & Nobilissimum tunc

Burggrabium Reg. Dn. Christianum Treschen-
bergium PræCos. Elbingensem.

A Cre gelu densaq; nives clausere paludes:

Et tacet in pigro vena salubris agro.

Nec nemore aut prato, quod seu provitet amantes,

Sive meis animum Vatis addat, inest.

Nec quæ nostra Tuis augentur Equaria curis,

Littoreus strepero verberare plaudit anas.

Urbe quid excurras? aquarunt omnia venti,

Treschenbergiacæ Rex columenq; domus.

Dum

Dum iuvat ante focum morosam abstergere curam.

Et sapit in posito nostra senectæ mero;

Atq; aliquis fatuos juvenum subsannat amores.

Aut missas à se ventilat ipse nuces;

Occupat hic alios, alios trahit ille sodales.

Mecum Visnerus me penes hospes agit.

Me duce, ait, spondes, ubi Consul fortè vacabit,

Ejus inoffensolimen adire pede?

Imò ego, respondi, nisi veneris ipse molestus:

Si Te ferre potest, nec gravis umbra Tua est.

Pone Tuos olim fascēs moriente Decombri,

Tu qui heic Sarmatici munia Regis obis.

Delectant humiles per Saturnalia lusus:

Et quas non implent parva sigilla manus?

Spectabili & Clarissimo viro Domino Friderico

Zamelio, Cos Elbingensi, nec non Piscaturæ Præfecto.

A Cre gelu densæq; nives ac bruma, Zameli,

Et nemore & pratis abstinuisse jubent.

Non datur excursus, squamis ubi retia tendunt,

Nec piscaturis invigilare licet.

Quin iuvat ante focum mœstam recreare senectam.

Pascere & infuso corpora fessa mero.

Facta patrum memorando & quæ nos fecimus ipsi.

Perq; jocos suaves fallere tempus edax.

Quare Visnero, ne sit scrutator inanis,

Dicito Zameli, quando vel anne vacet?

Ianua nostra bonis semper prout omnibus æquæ

Nec minùs & vobis nocte dieq; patet.

Ergò age quando placet nostras accedite ad aedes;

Sed Mylium vobis associate rogo.

Permadet ipse sale, & miscere scit utile dulci.

Quadrigis junctus sic bene currus erit.

Ch. Tr.

Puer

Puer in glacie suffocatus.

IN glacie periit sed præfocatus ab undis
Gregoripor, glacies quem prohibebat aquis:
Cui glacies vice pontis erat. Suprema misello
Fata tulit summo limfa profusa lacu.
Quid mortem fugimus vitatis ignibus, undis,
Extra undas puero si nocuistis aquæ?

De Cypriani Scriptis.

Vivis adhuc: animumq; probant sincera modestum
Scripta, vel amissis tot Cypriane libris.
Afer es, at Latia vicisti voce Latinos;
Pluraq; Tu vitam per monumenta meres.
O qua pepercissent sanctis incendia libris!
Cum caderes, famæ nil nocuere Tue.

Meditatio de Christo recens nato.

Quamta parant Superi! neq; enim nova fœdera pangit
Nobiscum Cœli Rex nisi fiat homo.
O quas non in spes hæc me cognatio mittit!
Allevat hic omnes. Fide misella caro.
Nam nisi Tu fueris, cœli quæ diceris hæres,
In sortem hanc lapides mittere certus erat.

Annus novus.

Hoc puncto, mea mens, veterem transmisiſimus annum:
Et novus à Iano principe ductus adest.
Dilecti Superis nec atroces vidimus ignes,
Nec rapidum infesta flevimus agmen aquæ.
Sed nos lata Ceres sub Palladis arbore pavit,
Nec nocuit nostris artubus ulla lues.

Ipsæ ego contueor mea regna & parva meorum,

Oscula natorum salva forente Deo.

Quin non ista taces, Teq; hæc in vota resolvis;

Temporis ut compar tela recentis eat.

Magnifico, Nobilissimo nec non Consul-
tissimo viro Domino Iohanni Preussio PræCol.

Thoruniensi optimè merito.

DE Patriâ meruit, lethum qui transit & urnam.
Cætera ad extremos mors vocat una rogos.

Illud idem est, Preussi, quod non tacuere Poëtæ;

De Te quod semper clara Thoruna canet.

Nam quod in hac parte est; à Te quod diligor, & Te

Alter amo; famæ non satis inde caves.

Magnifico Nobilissimoq; Dom. Israël
Hoppio PræCol. Elbing.

CAutibus impegit vegetos aditura Britannos.

O Consul, nemorum filia, nostra ratis!

Hei nobis! quibus illa deos promisit amicos,

In Cauchos primum cum tenuisset iter;

Gnossiæ deducta semel sub sidere Tauri.

Proh dolor æstates non habitura duas!

Heu nimium pelago confisa Notæ, secundo,

Ausa sub hybernos tendere vela dies!

Quid Neptune ferox Tibi peccavere Poëtæ,

Non mala Phœbææ dedita corda lyra?

Vt mea non habito generis discrimine nostri

Vnciacum reliquâ sorte periret aquis?

Debuerat toti Vates prodesse faselo,

Et mea funestum causâ movere fretum.

Sape levem propter colui Tua munera rivum:
Sape Cyprin, regnis quæ dea nata Tuis.
Et quæ Nymfarum? nam quæ se cumq; negavit
Cantatam, è nymfis non erit illa maris.
Dixi & Te Nereu. Nam si quas Doris alebat,
Materies flammæ nostra fuere Tuæ.
Æole, vah quoties vestras captavimus auras,
Cùm nemus in gelidum movimus urbe pedem?
Quos Ithaco dederas non prætermisimus utres,
Resq; fuit versûs Orithyia mei.
Forsitan invisus sociorum erat unus & alter,
Quorum fœnoribus nautica pinus iit.
Fortean infami sulcârunt littora quæstu,
Arcadiciq; dolos eluit unda dei.
Nomenat immeriti poterat contendere Vatis,
Musaq; securas poscere sacra vias.
Quorum tergoribus fluctus superavit Arion,
Ipsa suum damnet pontica turba ducem.
Ah surdas adeunt & nunc mea carmina mentes!
Atq; isti vigilant in mea damna dii.
Parva (nec invideo) Consul Tua damna putabis,
Dum Nemesæ meas ira flagellat opes.
Huc labor, huc sudor primæ cecidere juventæ,
Et fragilis senii robora pontus habet.
Non queror hoc, lautum quod posset ledere Cræsum.
Promodulo res est illa dolenda meo.
Respice tot Regum (miser esse negabor) amorem,
Quod tamen impensum est, hoc fuit unus amor.
Nec mea de patriis reparantur commoda fundis.
Ah patuit fraudi nuper avita domus!

Sed neq; me totos uras fors improba soles:

Sed neq; morosæ tempora noctis eant.

Sufficit exiguum senibus. Iam poscitur Oroo,

Iamq; Charon parvo lintre magister adest.

Dum calamus duco, melior me nuntius afflat,

Condere se Dano carbasa nostra freto.

Affer thura puer: nec vina liquentia desint,

Placatis animi vim renovare diis.

Sed veterem, Patriæ Præses, componimus annum,

Tu felix quovis mense recentis agas.

Ad amicum.

Q*uid mihi de Mystis videatur, amice, Vocandis
Iampridem exquiris; cum se plebecula passim,*

Tamquam divinæ prostent raptoribus aræ,

Obtrudat numquam rectè doctura quod odit,

Præceps in vitium & verorum ignara laborum.

Hic mihi sacrorum præses dignissimus audit,

Quem puerum novère senes cum fortè reprehensus

Ora verecundo gereret suffusa pudore:

Qui se Tharsigenæ subjecit legibus æquus,

Nec mera nec luxum nec honorum insigne secutus

Fas ultra officii, cæcæq; libidinis osor

Adversus Fidei pugnavit idoneus hostes.

Cui sua ceu præsens credit mysteria Christus,

Nec Regum aut populi Voces excludere verum est,

Quando istâ juvat ire viâ, sinceraq; punctum

Emeruit pietas. Alter sine Numine vanis

Mittitur auspiciis, qui se rogat ipse Vocari,

Instat hians, jam se violentus oculibus infert.

Hic si sacra mihi dicatur hyæna, quid errem?

Linguiquo fabrûm redimuntur ab Orbe magistri,

Nec

Nec quæ est à Superis major sit cura salutis?
Huc rerum intendi nervus desiderat omnis.
Formosum quæsit Apin Nilotica Memphis
Inventum tandem : pecudes deposceret atras
Ausonia, in quovis Plutonia victima rure
Errabat. Populi est ultra fatale sepulcrum,
Ajusto si quid tenuit monitore profectum.

Ad Musas.

Vos mihi sufficitis jucunda silentia Musæ:
Vos mihi grex ingens estis & ampla domus.
Nescit delicias insana calumnia nostras.
Vivo mihi, vestri pars tamen una chori.
Vos luce assertas & nocte amplector amicas.
Vestra mihi æterno nectare labra madent.

Ad virum Excellent. Dom. Danielelem

Visnerum Archiatr. Reip. Elbing:
amicum certiss.

Solus gaudeo sub meo tigillo,
Aut solus doleo: meosq; plausus
Ignorant alii; meosq; luctus.
Audit sed thalami videtq; consors.
At si quid nimium boni obsecundet,
Aut si quid nimium mali fatiget;
Visnerus mihi conscius bonorum est.
Visnerus mihi conscius malorum est.
Illum participem meiq; plausus
Non ingratum habui, meiq; luctus.
Hæc Visneri meo ferantur ævo:
Hæc de me memorent mei nepotes,
Et norint pariter Tui nepotes.

Poëtæ.

Poetæ.

Qui sibi rex ipse est, neq; regum munera curat.
Non habet in terris ille Poëta parem.
Cuncta licent illi: superos detrudit Olympo,
Subq; suos mittit vulgus inane pedes.
Si tamen & Reges habeat sibi deinde faventes,
Idem par superis esse Poëta potest.

Cyriaco Lentulo juveni doctissimo.

DA glandem populis antiquum Lentule victum:
Fac conculatâ vite bibantur aqua.
Sordeat, & venis lateat genitalibus aurum,
Nullaq; cadatur pinus itura mari.
Nesciat equoreos Berytus proxima fucos,
Inq; suo pereat stirpe Sabæus odor.
Fulgebit posito pax non infida tumultu.
Hanc ego Te terris plusq; dedisse rear.
Namq; ea qui præstat, Saturnia regna reduxit.
O mihi deterior sub Iove mundus agat!
Non ego securos ultra contendere cervos,
Ultra septa mei paupera ruris, amem.
Est quod ab ungue meo Tibi pollicearis abunde.
Omnia præclari Lentule Vatis habes.
Cætera sunt animi nec vana nec alta secuti.
Crede mihi in nostris, quod sumus, esse libris.
Fingere si volui, si quæ licuere Poëtis
Afferui; de Te Lentule fingo nihil.

Iter maritimum Ortelianum.

Sub Iove non æquo Boreas dum sævit & Auster;
Descenduntq; nives, mistaq; grando ruit;

Navigat

Navigat Ortelio Vifnerus in aquore mecum,
Deducta est segni cum mea puppis Habo.
Iamq̃ altum ingressis Glessaria conditur omnis,
Et procul Hocconis stat nemorosus apex.
Protenus inuēti Cimbrorum allabimur oris,
Cimbrorumq̃ exit prora citata freto.
Quæstores aberant: aut hæc portoria pensi,
Talia qui curant, non habuere viri.
Despicit è malo Gothicas meus assecla rupes:
Distant immenso rura Cayca salo.
Lævâ se Batavi, dextrâ formosa Calydon
Exhibet: & Celtæ, quod metuatur, habent.
Illorum scopulos emensi & littus Iberum
Flectimus ad terras, Bocche vetuste, Tuas.
Longè extra Calpen & rerum ignota Pelasgis:
Queis satis Egæo nare Syroq̃ mari.
Et Canagæ & Zaræ prætervehor ostia fontis,
Iamq̃ patent oculis Angola regna meis.
Adspicit hæc etiam laxamq̃ Magascaris oram,
Rusculaq̃ & silvas noster amicus obit.
Extima si tardent nos promontoria, frustra
Exigo: namq̃ offert se mihi totus Arabs.
Cum Libyæ populis Erythræum linquimus aquor,
Memnoniosq̃ intrat nostra carina sinus.
Scrutati gemmas, quales habet illa venustas
Natio, Taprobanen imus & arva Iavæ.
Solve Philippinis: jam lecta myristica nux est.
Et vada Sinarum clausa, faselus adi.
Insula sufficiet dulces non una Bananas,
Tirhoni vastus quæ fuit antè thorus.

Trudimur

Trudimur in Chilen ventis Ophiranq³, secundis,
Inq³ suas aperit se Brasilia vias.
Cannibalum terras fugiamus & antra Cyclopum.
Non sat navifragum est non habuisse mare.
Miserat has gentes illi ferus Hannibal Orbi,
Cum premerent Latii Punica terga duces.
Constat Eliseos didicisse ea littora nautas,
Visaq³ Conscriptos edocuisse Patres.
Natalem occiduo de Sole redimus in agrum:
Vela tamen calidum fecimus ante focum.
Tam citò nec Magico superatur Bruëterns hirco,
Nec Stygiâ petitur noxius Heclarate.
Tam citò nec Circe subeuntem accepit Vlysses,
Aut Ephyren junctis Colcha volavit hydriis.
Segniùs effugit Creteam Dædalus Idam,
Vicinos Numidæ Dardana turba Lares.
Invidiosa vale cum navibus Amphitrite.
Rhetorum è fundis, quo recreemur, adest.

De Potentissimi Poloniæ Sveciæq; Re- gis Vladislai IV. filiâ primogenitâ.

SEptima lux Iani populis sit fausta sub Arcto.
Nascitur hac Regi filia prima meo.
Vota dabo Superis animoq³ & fronte serenâ.
Absit, ut à mæstis cordibus omen eat.
Cæciliæ proles Mari-Ann-Isabella Renatæ
Vive: Tibi Reges dona precesq³ ferant.

Solis se Regibus studia sua consecrasse.

TRansvehor ætherium cælo vicinus Olympum,
Et magni subeo limina nota Iovis.

Ille mihi Reges monumentaq; singula Regum
Monstrat, ut illustri stantq; patentq; loco.
Ne mihi sit terras humilemq; requirere Pindum:
Sed Iovis à nutu nostra Poesis eat.

In Ponticum.

Si verum est, in me Scazontes Ponticus edit.
Aptè. Nam claudio Ponticus ipse pede est.

In quemdam.

Penè Tui nostris cecidit fiducia fibris,
Spebus & incertis more dolentis agor.
Non Phœbi tripodas Te primum amplexus adiri.
Ah potui à solâ sumere fronte fidem!
Ipse Tibi hoc aufers insano percitus æstro,
Venturo genero quod struit ampla domus.

In Gelliam.

Perdidit & mores & famam Gellia. Mores
Gellia quid curet, quam juvat esse lupam?
Nuper ab exactis id quæsta est Gellia mæchis,
Cum fugerent illi, se meruisse nihil.

Calligraphus.

Rem miram! & totis diffundi sensibus artes!
Præcisa eximio est dextera Calligrapho.
Ille tamen calamos atramentumq; poposcit.
Lava manus dextræ munere functa bene est.

Pastor ævum.

Ædificat Christo nequicquam Pastor in illis,
Pastori misero qui nihil ædificant.

C

De

De Lydio.

Clodia fortè semel vidit peccata mariti,
Sed coràm solis fletibus ulta nefas.

De venià certus vetitum ejuravit amorem,
Lydius. At cautè, ne videatur, adit.

De Cypari puellâ ad Foconium.

Non sedet in mensâ Cyparis taciturna, Foconi.
Visa mihi satis est ista diserta loqui.

In vultum retulit, quod præstet munia lingua.

Adspice tot nictûs, oppositasq; manus.

Respice Menalium, cui soli garrit amanti.

De mensâ surgent. Excutit illa sinum.

De Læliâ.

Quotidie sceleis incedit Lælia mundis,
Calceolo quâvis luce revincta novo.

Nec facit impensas, sed plus acquiritur illi.

Cariùs hæc mœchi tempore noctis emunt.

Fasciolas adimunt, nec deest sua fascia cruri.

Et redimunt omnes, cùm maculata toga est.

Clavis adulterina.

Apta Marce seras & grandes adde catenas.
In gremia claves conde foveq; Tuo.

Hoc quoq; Marce cave, ne fiat adultera clavis.

Namq; Tue (ut fama est) furq; faberq; domi est.

Magnifico Nobilissimoq; Domino

Christiano Treschenbergio Burg-
grabio Regio &c.

Condita

Condita jam bruma est Christiane gravissime Consul.

Auspiceq; à Iano cætera transit hiems;

Cum Tua dispersi temere Quadriga vagamur.

Nec cœeunt uno quatuor axe rotæ.

Primus in hoc numero es, Consul: Zamelius alter:

Visnero Mylii Svada venusta subit.

Sic Tu dispensas, nosq; in Collegia mittis:

Atq; sub hoc titulo turba quadrata sumus.

Ad te promissum est: tres peccavere Sodales.

Qui Tua defugimus limina, culpa trium est.

Ecce! sed intramus dum lux se Februa profert,

Lustralesq; pavet Roma vetusta dies.

Noxa gravis nostra est. Tu nos exsolvere Consul

Ritibus antiquis si cupis, adde merum.

Hiems egelida.

Hiberni Soles Vrnæ tepuere sub astro,

Peneq; devexo Pisce fatiscit hiems.

Frigora cœnosas nondum astrinxere paludes:

Nec ruit in silvis tada, gemuntq; rotæ.

Vesta caret cultu. Tibi sis mea silvula frugi

Quo mihi, quo pueris cœna coquatur, abest.

Quid Zephyri incumbunt & mollibus Africus alis?

Quis Borean obex clausit in arce suâ?

Æole, si nescis ventis dare jura, furentem

Illam animam à Finnis Lapponibusq; petam.

De Læto.

Quale decet teneras arversa Philippis habebat

Et caput & collum: pes quoq; talis erat.

Ille levi strictam fultus tibiae calcem

Esse tener visus parte patere sui est.

Quaq³ levant tunicas, poterat non scaura videri:

Rectus & incessus, compositusq³ fuit.

Omnia sincerè. Laudavit singula Latus.

Vt faciem vidit, lusca Philippis erat.

Ille ingrata sibi cùm diceret oscula, virgo

Excipit: Ergò Tibi posteriora damus.

De Vestiâ.

Vestia dat cuiusvis non ignorante marito,

Qui tacet & patitur. Nam fovet ipse lupam.

Vestia novit idem: sic dissimulatur utrimq³,

Et neuter reus est indicio alterius.

Ad Gotolibiam sive Liviam filiam.

Aspicis hanc tenui pudibundam, Livia, panno?

Comtior hac olim nulla puella fuit.

Coccineas rigido tunicas prætexuit auro,

Et collo atq³ humeris optima bissus erat.

Nôris quid primis comparcere prosit in annis.

Quid nimia impensis tunc fuit, hinc misera est.

Ad Vrsulam.

Ursula conde Tuas aut cautiùs inspicie chartas.

Quas Tu Demophilo mittis, & ille Tibi.

Iam deprensa viro es: cui quàmvis curta papyrus.

Hæcq³ Canopeis esset arata notis;

Hoc totum dixit. Quæ scribitis, omnia nuga:

Vos quibus imbueret conscia de famulis.

Non sine perfidiâ tabule servantur amantum,

Aut colitur flammis litera iussa mori.

Cætera vix noceant, ea cautio sola legatur;

Quid vir ad hæc dices? Non sine fraude meâ est.

Ad

Ad Æliam.

Quid Tibi tot vestes? quid prodigis Ælia numos?

Cras aliter cingent, Tug³ secuta pares.
Dissolves consuta recens nec missa missa sub usum.

Deq³ hoc deq³ illo segmine multa cadent.
Nec nova quadrabunt malè successura resectis.
Prostabit, sumtus bis periisse Tuos.

De Caudiâ.

SCitarum sex est natarum Caudia mater,
Quinq³ nothas peperit, conjugis una satu est.

Palladis hæc oculis, Menelaidos ista Lacææ:
Nocturna hæc Phæbe crinibus, illa Ceres.

Caudia propudium fuit, & cum Thaide censa est.
Gracchorum matrem præstat, ubi senuit.

Ad Meniam puellam.

EGregii patris & laudatæ filia matris,
Menia, nec mores ipsa perosa bonos,
Hæc de Te canimus, patri qui jungimur usq³:
Te vacuas nullo tempore habere manus.

Functa piè sacris consveta ad pensa recurris:
Deq³ Tuâ mater tarda levatur ope.

Venatio nocturna.

PRisca nimis ratio est, venari Solis in ortu.
In cervas pueri tempore noctis eunt.
Sæpe feram hanc agitant, cum nox tamen atra fefellit,
Cassibus & ruptis transit ursa minax.
Clauserat Almo puer notos indagine saltus,
Pro cervâ doluit se tenuisse melem.

Ad

Ad Ponticum.

Claude Tuis foribus dilectam, Pontice, cervam:
Nec patere hanc noctu matris adire domum.
Venantum manus est, his qui regionibus errant.
Plurima sunt cervæ retia tensa Tuæ.
Ne jacula & laqueos nec apertas dispice fraudes.
Desuetas subeunt pallia nostra plagas.

In Violantam.

Non Violanta Tuo de nomine tolle Pelasgum.
Nil violenter ages: nam violata diu es.

Ad Fatoniam.

Forma Tibi superest tunicis Fatonia ruptis.
Illud habes, Hector quo potuisset emi.
Sed muta veteres aliquo moderamine mores.
Crede mihi, jam Te sola modesta decent.
Queis odio fueras de Te dixere miserti:
Possset adhuc lautè nubere, si saperet.

Ver Poëtarum æternum.

Verna mihi ridet tempestas omnibus horis,
Ipsaq; me Veris signa notæq; juvant.
Sub nivibus meditor subeuntem Veris honorem,
Iucundumq; fovent intima sensa jubar.
Nos superum sanguis, & stirps excelsa Poëta:
Quos numquam Verni non alit aura Iovis.

Lemu.

Lemures.

Æ De sacrâ & mœstis Boreali in parte sepulcris
Quæ via me dirimit, non satis ampla via est.
Despicio, quoties componunt funera vivi,
Cum noctu pueris umbra timetur avi.
Audiat hæc, quisquis Lemures me cernere credit:
Sunt ultra manes omnia vana meos.

In Mæviam.

Mæviam nos odit, quoniam læsisse videmur.
Mæviam quid fingam? carmine læsa meo es.
Dele stulta Tuos in molli Almone furores.
Res sunt arbitrii nostra cavilla Tui.
Nam quod tonsorum collegia tota loquuntur;
Hoc, cui bilis inest, nemo Poëta tacet.

De Lycoride puellâ.

Adspecte. Formosas anteit formosa Lycoris.
Has solo tunicas à genitore petit.
Manè subit templum: sed tunc vestitur honestè.
Vix aliquid mutat, si nova nupta roget.
Seq̃ ubi composuit vultum demissa Lycoris;
Quod placeat justis, una Lycoris habet.

LIBER XII.

Ad Serenissimum Potentissimumq; Po-
loniæ Sveciæq; Regem Vladislaum IV.

Respice Rex nostram doctus miserescere sortem.
In silvis Vatem me juvat esse Tuum.
At quorsum egrediar? quid septa urbemq; relinquam?
Ante fores subiit horrida silva meas.
Vera loquor: ne Tu Vatem Rex argue ficti.
Nam scis quid nostro videris ipse foro.

Cultus erat tectis, infra rude gramen alebant:
Quale fatigatos sollicitavit equos.
Sensi illos strictis equitum pugnasse lupatis,
Et memini summos ingemuisse duces.
Sed dices forsan, quàmvis hæc omnia nobis,
Plusq; ea Te moveant: Tunc ubi silva fuit?
Discessu, Rex alme, Tuo sentescere coepit;
Hinc salicem, hinc tiliam protulit urbis humus.
Ad quartum lapidem procul o arbusta facebant,
Reg; auctâ populi defluat herba fori!
Falcibus haut opus est, nec lignatoribus ullis:
Omnis in externo stat pede nostra salus.
Commeet ille frequens; obeat fora, flumina, pontes;
Gramina marcescent, & saliceta cadent.

Illustr. Dn. Gregorio Borasto Canon. Var-
mieni, Secretario Regio &c.

Magne Boraste fave: nec nostra silentia damna.
Nam veniam Vati res peperere Tua.

Quid

Quid facerem veniens ad Te pro Rege locutum?

Dixero de studiis carminibusq; meis.

Iam scio, subicies hac Te tractare. quid ultra?

Quod quia nescirem, lingua molesta forem.

Ad silvas iterum frundescentes.

O *Mihi frudentes immenso munere silvæ,*

Hanc faciem vobis gratulor, hocq; decus.

Totus ab hoc vultu me Iupiter aureus afflat:

Iamq; suis levior murmurat unda vadis.

Tu mihi cum magno regna patre pulcher Apollo.

Hoc præsto Charites sunt Iove & alma Venus.

Ad Prænobilem Dn. Israëlem Hop- pium &c.

F *lant Zephyri, liquescit hiems & flumina manant*

Strata diu nivium mole pigroq; gelu.

Hoppiade Consul, quem totum nemo Poëta,

Ipsè tamen potui solus habere meum;

Ecce Tuos auris introsvadentibus hortos,

Vt mihi dent horti Consule digna suo.

Musæ Borussiacæ.

R *vscula vernabant, & erat sine nubibus æther;*

More meo silvas & loca sola peto.

Vidimus Aonias in molli cespite nimfas.

Mirabar Grajis tam procul esse jugis.

Ergò quid in patriis venatus es hætenus agris?

Dixit; & irrigit virgo novena senem.

Iter Varmium.

V *isere Varmiæ vult uxor templà Cathedræ.*

Viderat illa quidem, sed semel atq; procul,

*At duce quo nobis sacrorum arcana patebunt?
Nempe Tuus stadiis mille Borastus abest.
Sic ait. Et nescis Montanos vivere? reddo:
Scis neq; Vastovios me tacuisse meos.
Mox ea subridens: Ergone remotior axis
Hos Tibi, nec quemquam Varmias ora dedit?
Schambogium, dico; poteras hoc discere nomen.
Tum mea: Et extremum non meruisse locum.*

Helicon plumeus.

D*Ecipimur Vates. Non sunt ea Numina nobis,
Qualia Mæonides Minciadesq; putant.
Est meus in plumis Helicon: cui mater Amorum
Præsidet, & missâ Cypride docta quies.
Tithoni conjux & Nox dicrimine nullo est.
Hæc mihi Terpsichore est, altera Calliope.*

Nobilissimo Domino Israeli Hoppio.

H*ortorum profers, Hoppi, pomoeria. Nunc est
Silvarum Alcinoi plus Tibi plusq; mihi.
Et meus est nemorum secessus & umbra Tuorum:
Tuq; heic ingenii me facis esse mei.
Donec erunt silvæ, quas Tu plantaveris Hoppi,
His mea me solitum condere rumor erit.*

Nuptiis Generos. maximèq; Strenui Domi- ni Hugonis Marcelli Asclæ sive Asclæ de Sorio &c.

P*ronuba Iuno veni: nec Te Iovis alma morentur
Oscula: nec Samos aut Tyriæ Cathaginis aræ
Advertant hodie. Succede Penatibus Asclæ,
Quà thalamos parat ille sibi Mariæq; Sabinæ.*

Nec se jam doctis Tritonia Pallas Athenis
 Occupet: ac præsens ornet connubia cultu,
 Quo patre nata Iove est. Nam sic meruere parentes,
 Et genus ex ipsis. Sit pone sed arma secundum
 Tela deæ studium. Marvortia signa secutus
 Ille patris pulsum Patriæ de finibus hostem
 Contudit, & fixis promovit castra tropæis.
 Cumq; ea sub Domino rigidisq; securibus egit,
 Ipse suas deinceps est iussus habere secures.
 Perq; tribunitias spectari major habenas.
 Tanclias interea nondum pendentis Arachnæ
 Vrsit opus: laudantq; magis, quod ducere filum
 Tanclias exorsa est. Et non immunis oliva
 Palladis hoc donum subeat pro deside myrto.
 Ipse facies Daduchus Amor sine matre vocatus
 Luceat. Est Venerum satis unâ in prole Iacobi
 Tanclis, & integritas quâ conscia vota duorum
 Verior. At quid non pubes generosa professæ est
 In paribus seu dote suâ seu sorte parentum?
 Dignus erat Marvori epulis & nectare nostro:
 Sacra sed austeros spernunt hymencia mores.
 Et nimium fremit ille ferox, oculisq; requirit
 Quæ sitos furto non heic habiturus amores.
 Lemnon & exiguam Liparen Siculasq; cavernas
 Negligat, & claudiprætervolet antra mariti;
 Intrabit Paphias quamprimum viderit arces.
 Sed Te Iuno potens, Te casta Minerva, puerq;
 Aliger elicimus. Sint cum Iove cætera cælo
 Numina. Vos Sponsis hoc fortunate novellis
 Conjugium: & vestro decurrant omnia puncto.
 Nec cum jam dici poterit novus Ascla maritus,

Et nova virginum deponet nupta pudorem;
 Egregios juvenes, hinc si Tua respicis arma,
 Inde coli studium, Tu dedignabere Pallas.
 Semper uterq; Tuus casta sunt mente revincti:
 Tancias ad telas, ad tela recurret Afecias.
 His vos Numinibus pollucta per atria matres
 Collectæ sponſis genialem sternite lectum.
 Præ thalami foribus, cum jam non Martia tollet
 Signa novus miles, cum voce videbitur aſſa
 Acrius impelli, sua sint præſagia dictis,
 Auditaq; aliquid crepet inter murmura lingue.
 O Afcla, quem tot certant ornare Poëtæ
 Pro Phœbo; Tua feſta idem celebrare parabat
 Quartus in hac turbâ, niſi Coeli ea cura fuiſſet:
 Iam convivæ patris lyricenq; ingentia templâ
 Divorum lætis de Te concentibus implet.
 Ipſe mihi videor reſonis attendere nervis,
 Et voces audire deûm: Felicius ullum,
 Par nec venturum, nec ſe voluiſſe videri.
 Quid Tibi mitis Arar, Rhodani quâ conditur undis,
 Aut Rhodanus præceps, Arari quâ immenſior hauſto
 Volvitur, æquorei paria inter vota tyranni
 Applandat, coeliq; velit conſenſus aquarumq;
 Elveades docuere ſuo ſub gurgite Niſſæ.
 Nam Tua cum vellem connubia dicere ripæ
 Aſſiduus, mihi prima chori Pogiolpis ab alto
 Annuit, & ſtratum monſtravit in omina littus.

Obitus Mari-Ann-Ifabellæ Principis Po- loniæ.

Discite quid doleat gelida Rex ſceptriger Arcti.
 Denata eſt illi filia nata recens.

Prima

*Prima repentinum geminârunt gaudia luctum,
Sed Te quo soler carmine, Magne Parens?
Tu nata regnum dederis: minus omne quod heic est.
At regnum est, ô Rex, amplius hoc, quod habet.*

In Sextiam.

Sextia non visa est vivo formosa marito,
Et raro solita est hoc superante cœli.
Postquam decessit, nihil est succinctius illâ,
Iamq; comam curat munditiemq; togæ.
Iamq; hæret speculo triplicis cum pixide fuci,
Et coram assuescit verba rotunda loqui.

**Spectabili Amplissimo Consultissimoq; viro
Domino Sigismundo Megerisio Reip. Elbingen-
sis Cos. amico integerr. cum filiam primogeni-
tam elocaret.**

Provehor in silvas nemorum renovante vigorem
Ingeniūq; mei Phæbo, qui carminis autor:
Qui cum sincerum retulit mortalibus annum,
Nostra quoq; omnino non imperfecta reliquit.
Hac facie rerum missurus in ardua Vates.
Irrigui fontes primâ Zephyritide moti
Per pavidos saltus vitreis decurrite limfis,
Ac gracili attentos feriamur murmure sensus:
Seu vox illa deæ est vestris habitantis in undis,
Hocq; sibi placidos spondentis ab æthere Soles,
Oblatis potemur aquis. Heic ungula fonsq;
Aonius, quacumq; feror sub Numine tanto.
Sed rerum mihi summa decus silvestre virensq;
Arbutus, & Tu qui vernâ de frunde vocaris,
Sigismunde parens nimfæ, cui festa parantur.

Et quæ nubentes abeunt ad sacra puella.
 Tu mihi jam ex illo, quo nos arbuta fovebant,
 Nomine & hoc meritisq; novis jucundior omni
 Delicione morum. Tibi justæ stirpis honorem
 Gratulor, & dulces fecundi palmitis uvæ.
 Nulla magis me silva juvat, quàm quâ licet infra
 Populeas recubare comas, juvenumq; furores
 Auscultare procul fortunatumq; laborem:
 Cum veniunt blandi, nec mustea germina fraudem
 Oderunt, morsumq; volunt sentire racemi.
 Qualis sustinuit formosa Cytheris Adonin.
 Lacteaq; exseruit maternis ubera myrtis.
 Qualis & in Xanthi ripâ sub collibus Idæ
 Dardanijum Anchisen geniales misit in hortos;
 Suppositaq; manu Tros Naica munera legit.
 Tela faretrati nocuere Cupidinis ipsi.
 Quæ puerum enixa est. Vidit sua vulnera Cypris,
 Nec tamen expromtè pueriles depulit ausus:
 Et puer admotis accendit prælia flammis.
 Ille colit silvas; essetq; remissior arcus.
 Frondibus incauti si non tegerentur amantes.
 Vixerit hos extra Phœnissæ miserrima casus:
 Inachis hinc bos est, rigidamq; Lycaonis ursam
 Induit: & Daphnen mutarunt improba Tempa.
 Aut quis Erichtonio pereuntem tramite nescit
 Procrin? in Ismariis plusquam violata salebris
 Discrimen nemorum docuit Philomela silentum.
 Sed magis hæc me silva juvat, quâ vidimus inter
 Pampineas juvenem succedere vitibus umbras:
 Qui solus potuit maturum avellere botrum
 De Megerisiacâ pendentem augustius ulmo.

Egerit

Egerit hoc robustus Amor; tamen ille procorum
 Optimus est visus, tamen assensere parentes,
 Ut Langagelios fecundet Justa penates,
 Sed jugo stabili diffundat alumna dearum.
 Atq; ego tunc stratus revirente sub ilice cernam,
 Purpureum quævis imitetur ut uva colorem,
 Masculus ut tepidis surgat Narcissus ab antris:
 Posthabeam Amonia valles totamq; sub Ossâ
 Planitiem, atq; unâ Phæacum agrestia regna.
 Sed neq; prætulerim Massylæ Chloridos oram.
 Quâ recubem, tumulos humilis verbena coronet,
 Dum tuear gravidæ subeuntia lilia viti.
 Non ego vos corylos spernam tennesq; myricas:
 Nec mihi flagrantem tam stridula fraxinus æstum
 Defendet seu firma larix, quàm vile salictum,
 Aut pridem innocuo vitex asserta pudori;
 Me sine si felix extendat vinitor antes,
 Ipse levem excipiam laudati cespitis auram.
 Talia sese oculis vicini à limine ruris
 Objiciant, tum segnem animum divina venustas
 Altius advertet. Donec mihi carminis usus;
 Quæ colui, nemorum non obliviscar amorem.
 O frondes florumq; jubar, vitesq; novelle,
 Et lati propago soli! quo dulcis amici
 Exuat ærumnosam hiemem ventura senectus,
 Vos par sponсорum placitis requiescite silvis,
 Dum modo fugeritis caput inclinare cupressis,
 Aut gelidæ buxo. Terrent discrimine rerum,
 Feraliq; notâ; gerit hanc Cynareta proles.
 Nox ruit, Ignaviisq; oriuntur sidera plaustri.

Revc.

Reverendo ac Doctissimo viro Dn. Nicolao Bachmanno Ecclesiæ in Pineto Elbingensium Ministro.

VRbibus excimur postquam Venus omnis in agro est :
Mittitur ad fontes prataq; nota pecus.
Ipse suas animat brutorum vocibus auras
Iupiter, & magni provocat Orbis opes.
Ad Tua templa feror, Bachmanne, nemusq; beatum;
A cælo hoc animum sumere & ore Tuo.

De Bavio ad amicum.

Queris de Bavio, qui cum bona Marcia nupta est,
Quid gerat ille domi, quid gerat ille foris.
Mane bibit summo, potat cum prandia fiunt,
Impletur toto vespere, nocte vomit.
Ista domi Bavius. Quoties in publica prodit,
Omnibus è populo detrahit ipse miser.

Ad Parilium.

Avdio Te nostræ, Parili, succrescere famæ,
Ireq; in ingenii remq; decusq; mei.
Non ego sum Parili, cujus de puppe solutâ
Accipias navi robora firma Tuæ.
Dum tamen hos temere spernis, quos ipse sequebar;
Me sequere, ingenio si potes esse meo.

De Læliâ.

Porrigit & patitur soleas sibi Lælia demi,
Id mæchi immenso pignus amoris habent.
Et quos præsecuit, dantur cum crinibus ungues;
Inq; suum dominæ stercora nomen eunt.
Chymieus in nostrâ se venditat urbe Philippus,
De cæno tantum non facit ille suo.

*Ipsis, in hoc in illo uti desixerant
Aciem, sibi emeret liberis carissimis
Vel hoc vel illud mercis; ex me sciscitat,
Quid præstinari censeam. Dixi: Colum.*

Ad Gotofredum filium.

P*Onere Te curtos jubeo Gotofrede Poëtas:
In quorum numero pars quotacumq; legor.
Arma virum & motas Tyrrheni principis iras
Præcipe, Pompejos Scipiadasq; tere.
Plenior est moles subeunda recentibus annis.
Ex illo brevitatis robore nostra fluit.*

Ad eundem.

V*ersibus aspirat nostris Gotofrede deorum
Tota manus. Phœbum Pieridasq; colo.
Vota Iovi facio & Charitas cum Cypride fector:
Najades & Chloris me Dryadesq; juvant.
Sit procul à nobis discors imitatio Vatum,
Cum malè non aptâ parte coheret opus.
Sed Tu dum memor est animi vis, instrue mentem,
Varibus è variis, & Tibi coge penu.
Dædalus impariles commiserat ordine pennas,
Nec nisi dispositis trans mare fecit iter.*

In Marcum.

*Marce quid egisti? Tibi Cypria nupsit & Hebe.
In thalamum missa est pulchra juvenca Tuum.
Tuta satis non est, & jam nunc fama laborat.
Et quid habes, quod non oderit uxor anus?*

O senium! triplici cū stringitur hernia nodo,
Et simæ nares, & malè guttur olet.

Ad pusiones.

Quid fingitis pupis salaces? Aliter, ac
Præceperam, est. In arborum vos ramulos
Librastis. Et de Aprotianis est nihil
Cerasis. Fatentur & manus ianthino
Hoc imbre, & oscula orbitâ hac violaceâ,
Vos gemina salaputia fuisse in Actus.
Temerarium hoc ne corrigat severior
Pater; genua prendite, & hæste supplices.

In Hyalen.

Cum rides Hyale, Tibi dens albissimus extat:
Nec denti facies invidiosa suo est.
Quodq; probem in collo est: casti sunt cætera cinctus,
Et teretes lumbi. lacteoliq; pedes.
Illud abest, quod nec Pelusia Thais habebat,
Deq; Helenâ Vates tradere nemo potest.

De Læliâ.

Ut caussam dixit deprenso Lælia mæcho;
Neglexit proprium vir meus, inquit, agrum.
Ergo colunt alii per quos sentescere nescit.
Sed generosa deum munera fundus alit.
Quarta mihi proles est à cultoribus illis:
Quam iustæ subolis vir tamen instar amat.
In desveta senem quid mittitis arma maritum?
Qui patitur, quidd non se verat, esse suum?

Non

*Non ita convenit, nec vos carvistis amici,
Maturus segeti ne foderetur ager.*

In monumentum Cæliæ.

CÆlia tot stupris totam famosa per urbem
Audet quotidie, quod semel ausa Lyris.
Passa Lyris gladium est tumulata sub aggere furum.
Quo olim vult condi Cælia, marmoreum est.

Ad Sextum.

Nescis Sexte pater quantum Tibi filia prosit.
Hoc scis, quod sumtu nil emat illa Tuo:
Et tamen incedat Tyrios induta colores.

Scis & quid Tecum prandeat ampla manus:
Qualibet impensis veniat tamen offa procorum.
Quantum, Sexte, Tibi filia prosit habes.

In Iustinam.

Fudit de vasis vinum Iustina siglinis:
Iamq; diu est, inquit, cum sine fece fuit.
Si Iustina diu est, quod vir de fece relevit;
Da vappam famulo, sed mihi prome cado.

In Paullum.

Omnibus Harpocraten pinxisti Paulte, diatris.
Harpocratasq; Tuos angulus omnis habet,
Ut taceant illi, nec quæ profundimus edant;
At Tu Paulte tamen nulla tacenda taces.

Nulla se Tetrasticha nisi Vladislao IV.

Sereniss. ac Potentiss. Poloniae Regi

scripsisse.

Arguor in Pallum scripsisse tetrasticha quædam,
Illa sed in quemquam nec vos clarissima cæli

Side.

Sidera vidistis, nec nox abscondidit atr.
Vni Sarmatiae sacrare Tetrasticha Regi
Contentus victorem animum jam vindicis ira,
Iam populi armorum caussas & bella secuti
Iusto inuisa Deo, servatâ Druside dixi.
Tum quantum ingenui distent a plebe Poëta,
Et quantum ingenuos intersit habere Poëtas,
A Patria Patris hoc innotuit indice vultu.
Hoc mihi venturos non ullo sine dierum
Despondet, quos nec civis meus invidet, annos.

De Læliâ.

Adstitit in somnis mihi Lælia corpore nudo,
Qualis in Idæis Cypria visa jugis:
Iuncta vel Anchisæ jacuit Simoëntis ad undam.
Inferius Tyrri censeo Regis opus.
Illud ebur, candorq; ebori purissimus illi est,
Hæc aptè Paphias est imitata rosas.
Quid tibi cum vetula, nostris inimica libellis,
Indice cui nullo quassa fenestra Tua est?
Cui numquam lento patuerunt cardine valvæ?
Quare Tuum, dixi, vana puella Parin.
Lælia sed: Totis si sum Tibi Cypria membris,
Cultaq; versiculis est ea diva Tuis;
Hoc precor hoc unum, si quid peccavero, quod Tu
Esse putes dignum Cypride, ne laceres.

Excell. Dom. Danieli Visnero.

Quomodo domum ad meos Penates venerim,
E proximis Electridum, Iove turbido
Mariq; saltuum lutosi semitis,
Visnere queris? Partim ab helciario

Lapsante tractus, saepe succollantium,
Gestatus humeris, ipse fessus itinerum,
Iovem increpans & dormientem Apollinem.

De Læliâ.

Lælia jam vidua est; quotiesq; penatibus exis
Vt mœrens pullo syrmate verrit humum.
At tunica interior cocco resplendet & auro.
Exteriolem umbris, hanc gerit illa procis.

De eadem.

Fracta meis tandem maledictis Lælia dixit:
Sentiet infestam, quam vocat, iste canem.
Experiar quid siue canis seu fœmina possim.
In verbo risum utx tenuisse ferunt.
Atq; ait, irascar Vati nec fieta locuto?
Intra nequitias sunt eaprobra meas.

In Marculum.

Turpe mihi non est, quod erat nec turpe Maroni.
Quod nec in Augusto Casare turpe fuit.
Consul ego & Vates vocor, utriusq; sed impar.
Hic rerum dominus, Vatum erat ille Deus.
Turpe, fuisse aliquid sed jam non amplius esse.
Hoc de Te verum Marcule, turpe Tibi est.

Ad Epigramma Martialis de Iscâ.

Discrimen tamen inter hanc & illam:
Quod vivam dominus foveret Iscam,
Atq; hæc cum domino cubaret una;
Quod pieta dominus videret Iscam,
Vnum hoc, prætereaq; haberet illud;
Quod quæ pieta faret, maneret Isca,
Cum quæ viva foret, periret Isca.

In insignia navis cujusdam.

Quid facit Arctophilax, ô nautæ, in fronte carinæ?
Debuit hoc Stygius portitor esse loco.
Illa subit primos etiam nova fabrica portus:
At pro merce probâ nobile funus habet.
Hoc ubi curatum est, ferales solvite nautæ:
Tendite quâ lembo navigat ille senex.
Navi opuse est, postquam tot millia cæsa virorum.
Mittit ad Orcinas Mars truculentus aquas.
Ite cite vos dira cohors asserta Charonti:
Incidat in veli Corus utrumq; pedem.

De Cœliâ.

Cœlia cùm possit cuivis formosa videri,
Cùm mœchis sit bis quinq; venusta satis;
Sæpe tamen lumen, quali nitidissima Phœbe est,
Sæpe optat faciem, quâ Menelais erat.
Cœlia, nec cælum quicquam desideret in Te,
Si dotes esses nacta pares animi.

De cœdem.

Cœlia de nostris stupido conquesta marito
Versibus hoc dixit: me Tibi solus habes,
Esto quodd integras malim consumere noctes
Assidua huic, illi; sum Tua sola tamen.
Nempe, inquit miser ille, ex me si concipis uno.
Cœlia quid faceret? tunc quoq; verba dabat.

In Picum.

Esse bonus nolo, quales sunt iudice Pico.
Nam non ex toto, quod probat, asse bonum est.
Ore quidem rectum clarog; sub æthere præfert.
At ne ipsum nōris, impedit orta dies.

Afo.

*Aforibus Picum noctu prohibete, mariti.
Sæpe quod in noctem distulit ille, malum est.*

Imperium nasutæ.

M*Arcus habet curtum, sed longum Iulia nasum.
In nasum regnat longior ergo brevem.*

In Ollum.

P*one capillitium septem Vallensibus centum?
Olle comas alii vende, redemptor adest.
Calvuses. Aneades calvam quoque Caesar habebat:
At tanti hanc partem noluit ille tegi.
Laureolam sumsit: potuit, quia vicerat hostes.
Tu quia versificas, non minus Olle potes.*

Magnifico & Prænobili Domino

*Israëli Hoppio ProCos. Elbing. nec non
sextum Burggrabio Regio gratulatur.*

I*Oci potestas Regia in Urbibus
Gentis Borussæ principibus tribus
Collata Patriæ Optimatum
Huic aliique sub auspiciis
Divæ Calendas, quæ Cypron obtinet,
Hoc Curiali limine mensum,
Ut ampliter censu opidorum
Eximit Ælvæonas minorum:
Ita esse qui rem dignè obeant, Dei
Nutu à potenti est. Hinc Tuus Hoppius
Camoena, sextum postulatur
Burggrabius rigidasque nomen*


Inter


Inter secures fontibus asperum.
Quales feruntur Posthumii senes
In Consulium fastis repositi,
Sive Tribunitius refulgens
Sempronianum culmen honoribus
Sors integrorum prima Quiritium.
Abunde pulcrum est promereri
Et decora & titulos ab ore
Summi Dynastæ: deinde opus arduum,
Frenare totis finibus improbos:
Sed deniq; optimum, quietos
Civibus innocuis Penates
Præstare, cum Tu mille periculis
Serves coortis pectus abeneum.
Ille hujus æquoris Charybdin,
Et scopulos tenet allatrantes,
Catus nec Afris tendere Syrtibus,
Nec commoveri voce Acheloidum;
Non siderum, quibus per altum.
Ire juvat, nec Apeliota
Incertus. O quæ nos dea respicis
Thalia, lætum barbiton increpa
Et incolis & Consulari
Hoppiadæ bene comprecata.


Ad famam.


Fama vola, postquam de me jam constitit Orbi,
Clamoso Vatem posse vacare foro;
Publica cum gereret silvas coluisse ducesq;
Ingenium in curto non habuisse penu.


FINIS,















Biblioteka Jagiellońska

sldr0019523

